


**TEZAU LITURGIC**  
**10 NOIEMBRIE**

**SLUJBA**  
**SF. PREOT-MUCENIC**  
**DIONISIE**  
**ȘCEGOLEV**  
**DE LA CIGANSK**



**MOSCOVA, 2000**



# Ме́сяца но́емврия в 10-й день Свята́го священно́мученика Диони́сия пресви́тера, Чи́ганакскаго, Сара́товскаго

## На ве́черни

На Го́споди воззва́х: стихи́ры, глас 4:

Свети́льника пресве́тлаго, на вы́соцем све́щнице  
церко́внем возсия́вшаго, / восхва́лим ны́не  
Диони́сия пресла́внаго, / тьму безбо́жия  
по́двигом сво́им посра́мившаго / и ко спасе́нию  
пу́ть мно́гим све́тло яви́вшаго. / Те́мже со  
умиле́нием вопи́ем ему́: / му́чениче  
досточу́дный, свидете́лю и́стинный, // моли́  
Христа́ Бо́га спастися всем нам.

Священни́че и му́чениче, пропове́дниче  
сладкогласный, / Диони́сие всеблаже́нне, /  
по́двигом сугу́бым подвиза́лся еси́ / и сего́ ра́ди  
вене́ц сугу́б от Бо́га прия́ти сподобился еси́, /  
я́ко па́стырь и́стинный и страстоте́рпец  
пресла́вный, / те́мже сугу́бую моли́тву вознеси́  
ко Го́споду / о всех, по́дви́ги твоя́ воспева́ющих  
// и па́мять твою́ соверша́ющих све́тло.

Пе́щь о́гненную искуше́ний, / о́гнем неистовства  
разжже́нную, / то́ками крове́й твои́х угаси́л еси́,  
прему́дре, / и посреде́ пла́мене гоне́ний, я́ко

посреде́ свѣтлаго́ хра́ма, / моли́тву вся́ческих  
благ Подате́лю / непреста́нно возноси́л еси́,  
Диони́сие, о́тче наш, / Его́же моли́ искуше́ний и  
собла́знов изба́вити нас, // па́мьть твою́  
благоче́стно воспева́ющих.

Слава, глас 2:

Адама́нте ве́ры, о́тче пресла́вне Диони́сие, / кто  
возмо́жет твоя́ по́двиги пове́дати / и воспѣти  
дерзнѣт во муче́ниях терпе́ние, / вся́кое бо  
кова́рство вра́жие превозмо́гл еси́, / вся́кое  
низвер́гл еси́ ухищре́ние сатанино́. / Те́мже, ты  
воспева́юще, вопие́м: // моли́ спасты́ся душа́м  
нашим.

И ны́не, Богоро́дичен.

На стихо́вне стихи́ры Окто́иха.

Слава, глас 6:

Тро́ицу воспо́им, вси ве́рнии, Живопода́тельную,  
/ Сы́на со Отце́м и Свята́го Ду́ха, / Еди́но  
Божество́ и неразде́льное Суще́ство, / во Три́ех  
Ипоста́сах присно прославля́емое / и  
Триеди́ному во умиле́нии воззове́м: / сла́ва,  
хва́ла, благодарѣ́ние и честь / венча́вшему  
мученики венце́м нетле́нным, // дивно́му во  
святы́х Свои́х Еди́ному Многоми́лостивому.

И ны́не, Богоро́дичен, глас то́йже:

Ко Всеми́лостивей Цари́це Богоро́дице ны́не вси  
возопи́им, / хва́ляще Ея́ предста́тельство за ны

ко Го́споду, / Та́ бо ма́терски дерза́ет умоля́ти за  
мно́го прегрешивши́я // и от бед изба́вляти  
рабы́ Своя́.

Тропа́рь, глас 1:

Ри́зы твоя́ кровью́и убели́в, / Престо́лу А́гнчу  
предсто́йши днесъ, / о́тче Диони́сие, уго́днике  
Христо́в, / сего́ ра́ди мо́лим тя ны́не, ча́да твоя́:  
/ проле́й моли́тву твою́ за ны́ ко Го́споду, // о  
спасе́нии на́шем ходата́йствую.

### На у́трени

Кано́н, глас 7,

его́же краестро́чие: Диони́сию пе́ние, му́ченику  
и пресви́теру.

Песнь 1

*Ирмо́с: Ма́нием Твои́м на земны́й о́браз  
преложи́ся / прэ́жде удоборазлива́емое водно́е  
естество́, Го́споди. / Те́мже, немóкренно  
пешешество́вав Изра́иль // поёт Тебе́ песнь  
победную́.*

Ду́ха Твоего́ Всесвята́го благода́ть пода́жь,  
Го́споди, рабо́м Твои́м, да возмо́жем  
неосужде́нно воссла́вити Диони́сия свяще́ннаго  
страда́льца, и́же ны́не в невече́рней сла́ве поёт  
Тебе́ песнь победную́.

Израи́лю дре́внему подобя́щеся, прииди́те,  
соста́вим ли́ки и похва́лу вознесём Диони́сию,  
пресви́теру же и мучени́ку пресла́вному, и́же о  
нас мо́лит при́сно Бо́га, воспева́я Ему́ песнь  
побе́дную.

Огнезра́чному престо́лу Трои́цы  
Пребоже́ственны́я предсто́я, Диони́сие,  
всехва́льне священнострада́льче, ны́не о  
оте́чествии твоём мо́лitsu Бо́гу возно́сиши,  
воспева́я Ему́ песнь побе́дную.

Богоро́дичен: Небе́снаго Царя́ Ма́ти Всесвята́я,  
Богоро́дице Влады́чице, не оста́ви ны си́ры, но  
мо́лitsuвами Твои́ми от вся́каго зла сохрани́ и  
сподо́би Сы́ну Твоему́ при́сно возсыла́ти песнь  
побе́дную.

### Песнь 3

*Ирмос: На водах зéмлю основа́ый, / Сло́ве  
Христе́ Бо́же, // и на́ша сердца́ сла́вити Тя  
утверди́.*

И́стины вéчныя вои́стину служи́тель пресла́вный  
яви́лся еси́ и овца́м па́жити церко́вныя па́стырь  
до́брый, ду́шу твою́ за ча́да твоя́ преда́ый, нас  
же во Правосла́вии мо́лitsuвами твои́ми утверди́.  
Священствуеши вои́стину, па́стырю́ и́стинный,  
и от волко́в душехи́щных ста́до твоё соблюда́еши  
и предста́тельством твои́м всю па́ству твою́ во  
и́стинней ве́ре утвержда́еши.

Иисуса Господа купно со Отцем Безначальным и Духом Единосущным присно моли, Дионисие преславне, миром отечествие наше оградити и во истинней вере вся утвердити.

Богородичен: Юже ангели славословят яко Небесе и земли Царицу, Сию присно молим, да Покровом Своим оградит землю нашу и во Православии утвердит.

Седален, глас 4:

Память праведнаго с похвалами, / приидите, воспоим велелепно и прославим / Дионисия, пресвитера же и мученика, / и сему усердно возопиим: / отче наш досточудне, не остави сирых чад твоих, / но молитвами твоими заступи / и от всякаго зла избави нас, всехвальне.

Слава, глас 5:

Яко финикс процвел еси добродетельми / и яко кедр превознеслся еси исповедничеством, / Дионисие, преславне священномучениче, / Господа присно моли даровати мир державе нашей / и от бед избавити всех, / тя ныне прославляющих.

И ныне, Богородичен:

Поём и благословим Тя, / Дево Всепетая Богородице, / к Тебе прибегаем, находящим обстоянием, / и величаем чудеса Твоя

многоразличная, / во умиленіи взывающе: / милостей Твоих нас присно сподоби.

#### Песнь 4

*Ирмос: Услышах слух Твой, Господи, / яко явился еси на земли, / за еже спасти ны, // тем вопием : слава силе Твоей, Господи.*

Пастырь истиннейший и мученик вседоблий являешься, Дионисие преславне, и паству твою подвиги своими наставляеши присно взывати: слава силе Твоей, Господи.

Егда предстал еси судищу неправедному, пречудне священнострадалче, тогда глагола еси в сердце твоём: укрепь мя в предстоящем подвиге, Всемилостиве, да последую Ти, Агнцу Всеправедну, и, венец спасения приим, вопию: слава силе Твоей, Господи.

Ни настоящая, ни грядущая, ни человецы, ни ангели, ни иная кая тварь не возможет мя отлучити от любви Божия, глагола еси, отче наш Дионисие, обезумевшим судиям, они же не разумеша пети: слава силе Твоей, Господи.

Богородичен: Ипостасную Премудрость Христа Господа в лето безмужно родила еси, Мати Дево, Сего присно моли разум просветити наш во еже пети: слава силе Твоей, Господи.

## Песнь 5

*Ирмос: Господи Боже мой, / от но́щи у́треневав,  
Тебе́ молю́ся: / пода́ждь ми оставле́ние  
прегреше́ний мо́их / и к све́ту Твои́х повеле́ний  
// пу́ти моя́ напра́ви, молю́ся.*

Еле́ем ми́лости Бо́жия ума́стил еси́ се́рдце твое́,  
Диони́сие досто́славне, и я́ко ратоборе́ц  
добропобе́дный яви́лся еси́, вся́кое бо кова́рство  
безбо́жных превозмо́гл еси́ и вене́ц пра́вды  
восприя́л еси́, моля́ся.

Мраз претерпе́л еси́ и глад, заключе́н сый в  
стране́ Сибирсте́й, но не отступи́л еси́ от ве́ры  
право́славныя и от служе́ния иере́йскаго,  
непреста́нно Литурги́ю соверша́я и о па́стве  
твое́й моля́ся.

У́зы, изгна́ние и поноше́ние претерпе́л еси́  
Господа́ ра́ди, Диони́сие пресла́вне, и терпе́нием  
твои́м просла́вил еси́ И́мя Трои́цы  
Присносу́щныя, непреста́нно, я́коже Апосто́л  
глаго́лет, моля́ся.

Богоро́дичен: Чело́веческому́ предста́тельству не  
вве́ри ны, Влады́чице Всеблага́я, но от вся́кия  
бе́ды и ско́рби изми́ ны Твои́ми моли́твами.

## Песнь 6

*Ирмос: Возопи́х, Господи́, / внего́да́ скорбе́ти ми к  
Тебе́, / и возве́л еси́ живо́т мой, //  
Многоми́лостиве.*

Еву праматеръ дрѣвле искусивый, всяческимъ тщаниемъ на тя воздвиже вражду, ты же сего человекоубийцу исконнаго мужественно препобедил еси, непрестанно хвалу вознося Многомилостивому.

Нерона безумнаго и Иулиана богоотступнаго наследницы новии возжелеша Церковь одолети и Имя Божие забвению предати, но ты, отче святыи Дионисие, тем противоборствуя, всех научал еси славити Единого Многомилостиваго. Истины вечныя свидетель явился еси, отче всеславне Дионисие, предстоя судищу нечестивому и обличая безбожных безумие мужеством твоимъ, сего ради венцемъ нетления ты венча Единый Многомилостивый.

Богородичен: Крест претерпевый и смерть упразднивый Сын Твой ныне Твоя молитвы приемлет, имиже от всякаго зла избавляемся и дерзновение обретаем прославляти Единого Многомилостиваго.

Кондак, глас 4:

Зрителю таин небесных соименниче, / зриши ныне Троицу Святую лицомъ к лицу, / почестъ звания горняго восприемый, / мученическихъ кровей своихъ пролитиемъ убеливый ризы твоя. / Ныне нас, на земли чтущихъ память твою, / от

бед и зол огради́ предста́тельством твои́м, //  
о́тче святы́й Диони́сие.

### И́кос

Сквозе́ огонь гонѣния / и во́ду зло́бы безбо́жных /  
невре́дно прошѣл еси́, / со апо́столом воспева́я:  
/ вся могу́ о укрепля́ющем мя Иису́се. / Те́мже  
по́двиги твоя́ воспева́юще, вопи́ем: / сла́ва  
По́давшему тебе́ кре́пость во страда́ниях; /  
сла́ва Венча́вшему тя венце́м нетле́ния; / сла́ва  
Явля́ющему кровь твою́ се́менем ве́ры; / сла́ва  
Избавля́ющему зе́млю на́шу от вся́кия напа́сти /  
и всем нам ми́лости Своя́ Да́рующему  
моли́твами твои́ми, // о́тче святы́й Диони́сие.

### Песнь 7

*Ирмо́с: В пе́щи су́ще халде́йстей / авраа́мстии  
о́троцы́ / ликова́ху со А́нгелом, глаго́люще: //  
оте́ц на́ших Бо́же, благослове́н еси́.*

Убийцы́ су́ще судий непра́веднии, ты на смерть  
за И́мя Христо́во осуди́ша, Диони́сие пресла́вне,  
ты же страда́ньми от жи́зни вре́менных к  
Животу́ нетле́нному восте́кл еси́, воспева́я: отец  
на́ших Бо́же, благослове́н еси́.

Ископа́ша себе́ ров и я́му и впадо́ша в ня  
мучители твои́, отче, ты же, крест свой при́им,  
Подвигополо́жнику последовал еси́, взыва́я: отец  
на́ших Бо́же, благослове́н еси́.

Подвигом твоим безумие безбожников посрамил еси, веру же православную укрепил еси в сердцах благочестивых; и нас ныне научаеши пети: отец наших Боже, благословен еси.

Богородичен: Реку соблазнов и искушений море проходяще неврежденно молитвами Твоими, Дево Всепетая, Сына Твоего воспеваем, глаголюще: отец наших Боже, благословен еси.

### Песнь 8

*Ирмос: Воистину Сущаго Бога / и всех существа  
Виновнаго, / Христа превозносим // и  
славословим во вся веки.*

Единому в житии твоём послужил еси Богу и  
Единаго в смерти твоей прославил еси Господа,  
священномучениче славне, темже и венец славы  
яко победитель от Него прияти сподобился еси, и  
радости вечныя причастник явился еси; и ныне,  
во обителях небесных предстоя, Его  
славословиши во вся веки.

Света исполнился еси, отче, от Присносущнаго  
Света облистаем, и светиши подвиги твоими  
всем нам, чадом твоим духовным, и подвизаеши  
Господу последовати и Его прославляти во вся  
веки.

Воспеваеши ныне Господеви песнь новую, всем  
житием твоим Сего прославивый, и славе  
невечерней Царствия Божия причащаеши,

добродѣтели житія увенчавый кровѣ пролитіем,  
Дионісие преслѣвнѣ, и Подвигоположника и  
Спаса славословиши во вся вѣки.

Богородичен: Ипостасныя Премудрости селѣние  
непорочное, Пресвятая Дѣво Всепѣтая, любовію  
Твоею нас вразуми, да Сына Твоего поем и  
величаем во вся вѣки.

### Песнь 9

*Ирмос: Паче естества Матерь и по естеству  
Дѣву, / Едину в женахъ Благословенную, //  
пѣсньми, вѣрнии, Богородицу величаем.*

Терпя потерпел еси Господа и приял еси венец  
сугубъ яко иерей же и мученик, Дионісие  
священнострадальче, темже, подвиги твоя  
вспоминающе, Дивнаго во святыхъ Своихъ  
величаем.

Един Сый Свят во дворехъ святыхъ приемлетъ ты,  
мучениче и священниче, и со святыми  
упокоеваетъ в подвизахъ славнаго. Тамъ о нас  
молитву вознеси, да во вѣки вековъ с тобою  
купно возможемъ во святыхъ Своихъ Дивнаго  
величати.

Радости вѣчныя причастниче блаженный,  
священномучениче Дионісие, не остави ны,  
чада твоя духовная, но, Престолу Божию  
предстоя, о насъ присно молися, да и мы с тобою  
вкупѣ возможемъ во вѣки вековъ Дивнаго во

святых Своих величати.

Богородичен: Умири нашу жизнь, Владычице Дево, и от всякия беды и скорби изми ны молитвами Твоими, да, искушений избегше, возможем купно с Дионисием преславым Дивнаго во святых Своих воспевати и величати во веки.

Светилен:

Свет сый, Христе, просвети землю Русскую, да тьмы неверия отбегше, во свете лица Твоего пойдём и о Имени Твоём возрадуемся, Единый прославляемый во святых Твоих.

Слава, и ныне, Богородичен:

Дево Всемиловитая Богородице, светом Сына Твоего просвети рабы Твоя, да мглы нечестия избавльшися, радостно прославим Тя, Заступницу нашу Всепетую.

На стиховне стихиры Октоиха.

Слава, глас 2:

О, безчестия злобы окаянныя, / на благочестие дерзнувшаго вооружитися, / о яростного намерения людей безбожных, / возставших на Церковь Святую! / Ныне сий посрамлены суть / и погублены всечестным Крестом Христовым, / егоже, яко меч восприем, священномученик Дионисий / страданиями во пренебесная селения

восхо́дит, / и явля́ется лю́дем правосла́вным  
засту́пление необо́римое // и моли́твенник  
пресла́вный о ду́шах на́ших.

И ны́не, Богоро́дичен.

### На Литургии

Блаже́нны от канона, песнь 3-я и песнь 6-я.  
Прокі́мен, глас 4: А́ще пойдú посреде́ сени  
сме́ртныя, / не убою́ся зла.

Стих: Госпо́дь пасе́т мя и ничто́же мя лиші́т.  
Апо́стол к Тимофе́ю, зача́ло 292.

Аллилу́иа, глас 4: Жи́вый в по́мощи Вы́шняго, в  
кро́ве Бо́га Небе́снаго водво́рится.

Стих: Рече́т Госпо́деви: Засту́пник мой еси́ и  
Прибе́жище мое́, Бог мой и упова́ю на Него́.

Ева́нгелие от Иоа́нна, зача́ло 52.

Прича́стен: В па́мять ве́чную бу́дет пра́ведник,  
от слуха́ зла не убои́тся.

[К завтрашней памяти свщмч. Дионисия  
Щёголева пресвитера, Чиганакского (†1937)  
выкладываю в «Уставные заметки» службу ему,  
составленную клириком г. Одессы **протоиереем**  
**Андреем Николаиди**]

